

**OKVIRNI SPORAZUM  
O USLUGAMA UMNOŽAVANJA I REPRODUKCIJE PISANOG MATERIJALA**

**I – UGOVORNE STRANE**

**Naručilac usluga:** **KANTON SARAJEVO, Stručna služba za zajedničke poslove**  
ul. Reisa Džemaludina Čauševića br. 1. Sarajevo **ID broj:**  
**4200667410006**  
koga zastupa načelnik Fikret Jašarević  
(u daljem tekstu: **Naručilac**)

**Izvršilac usluga:** **“RACIONAL” d.o.o. Sarajevo, ul. Grbavička br. 6 Sarajevo**  
**ID broj: 4200012750009**  
koga zastupa direktor Fuad Džendžo  
(u daljem tekstu: **Izvršilac**)

**II – PREDMET UGOVORA**

**Član 1.**

Naručilac naručuje, a Izvršilac preuzima obavezu da za potrebe Naručioca, prema uslovima i odredbama ovog okvirnog sporazuma i na osnovu prihvaćene ponude Izvršioca JN-10/2017 od 16.5.2017. godine, zaprimljene pod brojem: 17-14-18841 od 17.5.2017. godine, vrši usluge umnožavanja i reprodukcije pisanog materijala organa Kantona Sarajevo.

**Član 2.**

Izvršilac se obavezuje da će po nalogu Naručioca, a na osnovu predhodno izrađenog i od strane naručioca kroz dostavljanje ponude prihvaćenog projektnog zadatka, pružiti sve usluge umnožavanja i reprodukcije pisanog materijala organima Kantona Sarajevo, koje su naznačene u projektnom zadatku.

Prema uslovima ponude i prihvaćenog projektnog zadatka Izvršilac je dužan opremu za umnožavanje i reprodukcije pisanog materijala instalirati na slijedeće lokacije:

1. Centralna zgrada Kantona Sarajevo u ul. Reisa Džemaludina Čauševića 1 (4 etaže);
2. “Nedžarići” Jaroslava Černija;
3. Zgrada Trezora Min. finansija KS u ul Maršala Tita 62;
4. Prostorije Kantonalne uprave za inspekcijske poslove u ul. Dalmatinska 2/1;
5. Zgrada “STUPEX” u ul.Hamida Dizdara 1 (4 etaže);
6. Prostorije Sektora za drugostepeno rješavanje u ul. Podgaj 6;
7. Prostorije KJP ZOI 84 u ul. Branilaca Sarajeva 21;
8. “Trezorska jedinica” u O.Š. Vladislav Škarić u ul. Terezija 48;
9. “Odjeljenje poljoprivrede” u ul. Hrasnička cesta.

Oprema će se instalirati prema broju i tehničkoj konfiguraciji koja je predviđena prihvaćenim projektnim zadatkom, koji je sastavni dio ovog okvirnog sporazuma.

Ukoliko se ukaže potreba za dodatnim količinama opreme, ista će se instalirati samo uz suglasnost Naručioca i ugovarat će se kroz potpisivanje dodatnog ugovora.

### **III – KVALITET I OBIM USLUGA**

#### **Član 3.**

Izvršilac se obavezuje da sve usluge koje zahtjeva Naručilac izvede prema prihvaćenoj projektnoj dokumentaciji, uz potpuno poštivanje tehničkih i svih drugih elemenata koji su definisani prihvaćenom projektnom dokumentacijom, vodeći računa o usaglašenosti pružanja zahtjevanih usluga sa važećim propisima, standardima i normativima za ovu vrstu usluga.

#### **Član 4.**

Za sve izvedene usluge i kvalitet istih (parcijalni ili kumulativno), Izvršilac je dužan o svom trošku, izraditi i Naručiocu u svakom trenutku dostaviti odgovarajuću dokaznu dokumentaciju (pisanu), o ispravnosti i kvalitetu uređaja za realizaciju usluga koje su predmet ovog okvirnog sporazuma.

#### **Član 5.**

Eventualna odstupanja od obima ovim okvirnim sporazumom i projektnom dokumentacijom predviđenih usluga, moraju biti predhodno odobrena od strane Naručioca, odnosno od strane nadzornog organa.

### **IV - KONTROLA**

#### **Član 6.**

Stručni nadzor nad izvođenjem usluga vršit će Stručna služba za zajedničke poslove Kantona Sarajevo preko ovlaštene komisije, koja će se formirati odmah po potpisivanju ovog okvirnog sporazuma na najdalje u roku 15 (petnaest) dana. Naručilac usluga je dužan pismenim putem obavijestiti Izvršioca usluga o formiranju Komisije i njenim ovlaštenjima.

### **V – GARANCIJA O KVALITETU**

#### **Član 7.**

Izvršilac daje garanciju na kvalitet izvedenih usluga i kvalitet opreme (kopir aparati), rezervnih dijelova i materijala (tonera) koji se koristi za realizaciju okvirnim sporazumom predviđenih usluga.

Za svu opremu, rezervne dijelove i materijal, Izvršilac je dužan Naručiocu dostaviti dokaze o kvalitetu, odnosno garantne listove proizvođača za opremu, ugrađene rezervne dijelove i tonere.

#### **Član 8.**

U slučaju pojave nedostataka (kvara) u toku vršenja usluga, odnosno usljed naknade provjere neposredno nakon izvedenih usluga, Izvršilac je dužan da odmah, a najdalje u roku od 24 (dvadesetčetiri) sata po pozivu Naručioca pristupi njihovom otkanjanju i iste otkloni o svom trošku.

U slučaju da se Izvršilac po pozivu Naručioca ne odazove u roku iz stav 1. ovog okvirnog sporazuma, Naručilac stiče pravo da za otklanjanje nedostataka, na račun Izvršioca angažuje drugog Izvršioca.

## Član 9.

U slučaju naknadne pojave nedostataka u kvalitetu izvedenih usluga, čime bi bili ugroženi "životi ljudi" ili prouzrokovane veće materijalne štete nad opremom i drugim uređajima, Izvršilac je dužan da otklanjanju nedostataka pristupi odmah po pozivu Naručioca. U slučaju da Izvođač to izbjegava Naručilac će postupiti na način predviđen članom 8. ovog okvirnog sporazuma.

## VI – CIJENA USLUGA

### Član 10.

Prihvata se jedinična cijena usluge ponuđene u ponudi broj: JN-10/2017 od 16.5.2017. godine.

1. *Umnožavanje i reprodukcija pisanog materijala na papiru A4 formata u crno bijeloj štampi sa kontrolom i evidencijom pristupa .....1 kom. x 0,027 KM cijena bez PDV-a)*
2. *Iznos PDV-a..... 0,0046 KM*
3. *Umnožavanje i reprodukcija pisanog materijala na papiru A4 formata u crno bijeloj štampi sa kontrolom i evidencijom pristupa ..... 1 kom. x 0,0316 (cijena sa PDV-om)*

*Ukupna vrijednost po ovom Okvirnom sporazumu iznosi:*

- vrijednost bez PDV-a .....	245.000,00 KM
- PDV .....	41.650,00 KM
- Vrijednost sa PDV-om .....	286.650,00 KM

### Član 11.

Izvršilac nema pravo na promjenu ugovorene jedinične cijene, po bilo kom osnovu i u tom smislu utvrđena **jedinična cijena prihvaćen ponudom broj: JN-10/2017 od 16.5.2017. godine, smatra se fiksnom i nepromjenljivom.**

## VII – NAČIN I USLOVI PLAĆANJA

### Član 12.

Ugovorne strane su se sporazumjele da Naručilac, Izvršiocu izvedene usluge plati na račun:

- žiro račun broj: **1401010002853579** (»SBERBANK BH« d.d.)

### Član 13.

Fakturisanje usluga će se vršiti mjesečno. Nakon završetka vremenskog ciklusa od mjesec dana, Izvršilac je dužan da na osnovu elektronske evidencije, utvrdi tačan broj štampanog materijala, te uz ovjeravanje naloga od strane nadzornog organa (Komisije) i ovlaštenog lica Naručioca, u najkraćem vremenskom periodu izvrši fakturisanje obavljenih usluga.

Izvršilac usluga će obavljene usluge fakturirati odmah, a najduže u roku od 15 (petnaest) dana, dok će Naručilac fakturisane usluge plaćati **u roku od 60 (šezdeset) dana**, od dana ispostavljanja fakture.

## VIII – TRAJANJE OKVIRNOG SPORAZUMA, ROKOVI I USLOVI IZVOĐENJA USLUGA

### Član 14.

Ovaj okvirni sporazum stupa na snagu danom potpisivanja i **traje do 31.12.2019. godine**, uz mogućnost njegovog produženja za najviše godinu dana pod istim uslovima.

Naručilac za svaki obračunski period (mjesec) izdaje Izvršiocu narudžbenu, što predstavlja ugovaranje realizacije ugovorenih usluga, u okviru ovog Okvirnog sporazuma.

Naručilac će na kraju svake Budžetske godine vršiti preispitivanje realizacije ovog okvirnog sporazuma, s ciljem utvrđivanja kvaliteta i opravdanosti realizacije istog. Ukoliko Naručilac utvrdi odstupanja u realizaciji od ugovorom definisanih elemenata, odnosno utvrdi neisplativost daljnje realizacije ovog okvirnog sporazuma, ima pravo jednostranog raskida ovog okvirnog sporazuma, bez bilo kakvih uslovljavanja od strane Izvršioca.

### Član 15.

Rok za pripremu, instaliranje opreme i puštanje iste u rad, sa probnim rokom za usklađivanje svih okvirnim sporazumom definisanih usluga iznosi **30 dana** od dana potpisivanja okvirnog sporazuma.

### Član 16.

Naručilac je dužan da Izvršiocu usluga bez naknade omogući priključenje na elektroinstalaciju i korištenje istih.

### Član 17.

Izvršilac je kod vršenja usluga odgovoran za:

- sprovođenje mjera tehničke zaštite na radu,
- sigurnost objekta i stvari u njemu za vrijeme vršenja usluga,
- sigurnost i zaštitu ljudi, stvari i susjednih objekata i prostora, a u pogledu mogućih posljedica uzrokovanih izvođenjem usluga.

### Član 18.

Izvršilac je obavezan vršenje predmetnih usluga, ako je to u skladu sa važećim propisima, prijaviti nadležnom opštinskom organu.

## IX – PENALI I KAZNA

### Član 19.

U slučaju da Izvršilac usluga svoju ugovorenu obavezu ne izvrši u ugovorenom roku i u obimu iz usaglašenog osnovnog projektnog zadatka, Naručilac stiče pravo na obračun i naplatu kazne za prekoračenje ugovorenog roka u iznosu od 5% od izvedene vrijednosti usluga za predhodni mjesec, a najviše do 5% od vrijednosti izvedenih usluga.

#### **Član 20.**

Ugovorena kazna će biti obračunata kroz ispostavljanje mjesečne fakture, odnosno konačnim obračunom usluga.

### **X – DOKUMENTACIJA**

#### **Član 21.**

Izvršilac je obavezan voditi evidenciju svih pruženih usluga (elektronsku i pisanu), od kojih jedan pisani primjerak za potrebe Naručioca. Obostrano ovjereni – potpisani listovi evidencije čine sastavni dio usaglašenog obračuna vrijednosti usluga, odnosno fakture za izvršene usluge.

### **XI – TEHNIČKI PRIJEM I PRIMOPREDAJA**

#### **Član 22.**

Tehnički prijem usluga obavlja Komisija iz člana 6. ovog okvirnog sporazuma, osim u slučajevima kada Izvršilac usluga od Naručioca zahtjeva formiranje nove komisije za tehnički prijem usluga.

#### **Član 23.**

Tehnički prijem i primopredaja usluga se po zahtjevu Naručioca, mogu izvršiti i za dio usluga koji čine funkcionalnu cjelinu, a sve po procjeni i u skladu sa procjenom Naručioca.

### **XII – KONAČAN OBRAČUN USLUGA**

#### **Član 24.**

Konačan obračun usluga i ispostavljanje fakture će se izvršiti najdalje u roku od 15 (petnaest) dana tekućeg perioda za predhodni obračunski period (mjesec), po izvršenom tehničkom prijemu ili primopredaji ugovorenih usluga.

#### **Član 25.**

Konačan obračun usluga će izvršiti Izvršilac na osnovu usaglašenog predmjera i obračuna usluga, u skladu sa izvršenim tehničkim prijemom i izvršenoj primopredaji ugovorenih usluga.

### **XIII – IZMJENE ODREDBI UGOVORA, RASKID UGOVORA**

#### **Član 26.**

Ugovorene strane su saglasne da se odredbe okvirnog sporazuma mogu mijenjati sporazumno i samo u pisanoj formi i kao takav dokument čini sastavni dio ovog okvirnog sporazuma.

### Član 27.

U slučaju da jedna od ugovornih strana ne izvršava svoje obaveze u cijelosti ili ih izvršava djelimično, i ukoliko takvim neizvršavanjem obaveza čini štetu drugoj ugovornoj strani, druga ugovorna strana stiče pravo na jednostran raskid okvirnog sporazuma i naplatu nastale štete.

### XIV PRELAZNE I ZAVRŠNE ODREDBE

### Član. 28

U slučaju spora po ovom okvirnom sporazumu, ugovorne strane su dužne isti sporazumno riješiti, a u protivnom saglasne su da prihvataju nadležnosti suda u Sarajevu.

### Član 29.

Okvirni sporazum stupa na snagu danom obostranog potpisivanja od strane ovlaštenih lica ugovornih strana.

**IZVRŠILAC**  
**"RACIONAL" d.o.o. SARAJEVO**



/Euađ Džendžo/

**NARUČILAC**  
**KANTON SARAJEVO**  
**Stručna služba za zajedničke poslove**



/Fikret Jašarević/

**Datum:** 30.06.2017.  
**Broj:** DP-186-07/17

**Datum:** 07.06.2017. godine  
**Broj:** 17-14-16909-8